

PL
2451
752
1654
v. 4

斯文正統卷之四

祁陽後學蒙古刁

包編輯

從子再雍校正

論

夏禹論

胡一桂

之錫舜
之命其撥
一也

禹之傳於舜者。心法授受。一中而已。天乃錫禹洪範九疇。而皇極居五。以一御八。居中制外。亦一中而已。吾夫子稱禹。乃曰菲飲食而致孝乎鬼神。惡衣服而致美乎黻冕。卑宮室而盡力乎溝洫。禹吾無間然。



無天子之
樂有窮人
之憂

以孝治天
下實以天
下之治孝

其親

何哉。蓋中道之傳心法也。吾夫子之論又指其孝心。純至者言之也。禹傷父以治水殛死。故直以此自任。卒之建立偉績。克蓋前愆。至於禘嘗而郊饌。禹之心從可識矣。而其非惡與卑如此。誠不忍安於天子之常奉故也。味吾夫子無間然之言。其有以識禹之心者乎。吁。孝也者。天之經也。地之義也。民之行也。中心仁愛誠敬之至也。一孝立而萬善從之。其於立功也。何有。觀禹卽位之時。任臯陶伯益以國政。懸鐘鼓磬鐸。以待四方之士。建旌旗旂旐。以別尊卑等級。與

學校以重明倫之教。泣罪人而痛百姓之異心。絕肯
酒而知後世以亡國會塗山而戮防風氏之後。至今
觀其紀綱典則。閔石和鈞。王府則有五子之歌。禹之
功厚德茂。立極垂統。爲萬世準者。至詳且備矣。後世
觀河洛者。思禹功。見舞大夏者。稱禹德。盛矣哉。不可
忘也。

論語解無間章以爲豐儉適中以爲有天下而不
與云爾。未有從羽山之痛立論者。雙湖獨窺見之。
微顯闡幽。備極痛切。乃知不可爲人。不可爲子。二

心禹與舜有同焉者矣九原可作當與知已之嘆

武王論

方孝孺

湯武君臣
周公兄弟
皆出於不
幸尚論者
哀其志可
也
秉筆意
處置安妥
理固應爾
雖然封閭
釋曰武成
書之詳矣
信斯言也

武王與紂之事見於書最詳而遷垂亂之尤甚牧野
之兵非武王之志也聖人之不幸也武成載其時事
但曰一戎衣而天下大定不書紂之死者爲武王諱
且不忍書也他書謂紂自焚死意謂近之武王之於
紂非有深讐宿怨特爲民去亂耳當斯時使紂悔過
遷善武王必不興師而踰孟津及紂兵已北使紂不
死而降武王必將封之以百里之邑俾奉其宗廟必
不忍加兵於其身也况紂已死乎吾意武王見紂之

胡不書

期子年錄卷之四

漢高魏文
猶有君人
之度

聖氏以

死也不踊而哭則命商之群臣以禮葬之矣豈復有
餘怒及其既死之身乎遷乃謂武王至紂死三射之
躬斬其首懸於太白之旗又斬其二嬖妾懸於小白
之旗此皆戰國薄夫之妄言齊東野人之語非武王
之事遷信而取之謬也漢高祖魏文帝皆中才之主
非有聖智之度也高祖猶能不殺子嬰文帝猶能奉
山陽終其身曾謂武王聖人而忍其君至此乎吾決
知其不然矣苟信遷之言是使後世強臣凌上者菹
醢其君而援武王以借口其禍君臣之大義不亦甚

鸞券兵謀
爲愛君非
後儒正之
其不爲亂
臣藉口也
者幾希

哉吾故表之以爲好奇信怪者之戒

坡公苛求武王而索其癥議論乖繆正學深信武
王而自其寬道理分明文之工不工非所論也
盡信書不如無書吾於武成取二三策而已矣况
遷史乎

其文正系

卷之四

四

漢高祖索羹論

鄭 王

權乎輕重
然後可以
言進退
高祖利天
下初非爲
生民起于

以吾身而視天下則天下爲重以吾親而視天下則天下爲輕故君子之取天下當大變之來遇父母之難又豈可不權其輕重而爲之進退哉方天下亂離生民塗炭以吾身犯鋒鏑之險蹈不測之淵爲天下拯焚救溺者天下重於吾身也及親陷賊庭危在頃刻則舍天下以全吾親者親重於天下矣昔者漢楚之爭會於廣武項羽置太公於俎上告高祖而殺之所謂危在頃刻者也高祖於此所宜早辭請降迎歸

忍
此計亦近

其父然後以項羽既弑其君又欲殺人之父以挾其子典師問罪與之決勝負於一戰定成敗於萬全未晚也豈可大言無當索父之羹以吾親之重爲天下之一擲哉向非項羽有婦人之仁高祖無項伯之援則太公烹於俎上矣項羽既殺太公分羹高祖然後布告天下謂高祖不顧其父挾人殺之而食其羹與師問罪則高祖負殺父之名此身且將無所容於天地之間又安能與之爭天下哉項羽計不出此反惑於爲天下者不顧其家之言使太公幸而獲免高祖

論成事
論是
知此

因之成事。天下遂以高祖爲得計。索羹爲名言。素綱
常之義。失輕重之權矣。使後世臣子懷必勝之心。忘
君親之難者。未必不自此言發之也。桃應問舜爲天
子。臯陶爲士。瞽瞍殺人。舜如之何。孟子曰。舜視棄天
下。猶棄敝屣也。竊負而逃。遵海濱而處。終身欣然樂
而忘天下。高祖當以爲法。

趙苞之妨劫於鮮卑而城守。則君命也。割私恩全
公義。君子猶或議之。而光漢高之事。進退可以自
如。乎索羹一言。喪心定甚。後人不察從而和之。豈

復知有君父哉師山此論大足撐柱名教而喚醒
夫淺沒功利之徒

唐太宗論

謝

金

關口切
常音

太宗爲叔
齊其如建
成非伯夷
何

果爾則父
全其慈子

君子於天下事惟其可久不變而以吾心之安者行之。否則未有不至於大壞而極敝者也。唐高祖之取天下。大抵皆太宗之謀。高祖嘗謂之曰。事成當以汝爲太子。既而將佐皆以爲請。高祖亦固欲立之矣。太宗乃固辭以止於乎。不有叔齊之心。亦焉用足爲哉。昔王季受太王之傳國也。詩人美之曰。帝度其心。曰。貽其德音。曰。載錫之光。未嘗有貶辭焉。使太宗不爲虛讓之美。以成高祖之初志。則其骨肉之間。必不至。

全其孝兄

弟其友

恭計無踰

此者矣

應首又

應起可

若。是。之。大。壞。極。敝。而。不。可。救。者。昔。人。責。太。宗。以。子。臧。之。節。予。亦。惜。太。宗。不。知。王。季。之。義。而。過。爲。好。名。以。自。速。其。罪。戾。也。於。乎。君。子。於。天。下。事。亦。惟。其。可。久。不。變。而。以。吾。心。之。安。者。行。之。又。烏。用。是。爲。哉。

太宗天分過人初讓亦是本心但後來爲建成元
吉所迫則其初心有不得遂者然與其爲周公而
有慙德曷若爲王季而無悔德耶謝公之論固當
年房杜諸公所未及也

辭極簡古而變化起伏呼吸照應業已各臻其妙

文之以少少許勝多多許者此類是也

六月四日事先儒非之其言曰象得罪於舜舜爲天子則封之管蔡得罪於王室周公爲相則誅之建成得罪太宗非得罪王室可封而不可誅者也愚竊以爲不然象日以殺舜爲事志在于弋琴張也管蔡擁武庚以起兵志在覆巢毀室也建成之謀太宗覆巢毀室乎抑爲干戈琴張而已也不目之管蔡而目之象非其倫矣且也周家八百年之基業周公成之唐家三百年之社稷太宗創之其

功同也周不有周公則夷狄猛獸橫行而百姓其
魚肉矣唐不有太宗則亂臣賊子接踵而生民其
塗炭矣其繫天下之安危同也管蔡之於周公曰
將不利於孺子是殺之以言也建成之於太宗妃
嬪讒諸內元吉乘諸外嘗從東宮飲酒腹暴痛嘔
血數升又未幾而有昆明池之謀此其爲心更慘
爲勢更急爲太宗者蓋不能一朝居也若便束手
待斃則祖宗不血食斯世斯民不見天日矣烏乎
可或曰然則盍行乎口泰伯之逃荆蠻內有季歷

之賢也孤竹二子之亡首陽恃有中子之託也彼
建成元吉何如者哉昔季札辭國生亂春秋貶之
使太宗爲季札之讓則光僚之禍不旋踵難乎免
於辭國生亂之譏矣彼何行如之是故周公之遇
管蔡周公之不幸也太宗之遇建成元吉太宗之
不幸也固不得過生異同也獨是周公誅其父用
其子至今讀蔡仲之命家人父子間藹然至情無
復纖芥疑貳其間太宗殺建成及元吉則亦已矣
而又誅其子數人蓋六朝猜忌殘虐故習非仁人

君子之所爲也是則周公之罪人也

武后論

胡寅

老吏斷獄
鐵案如山

中宗不與
以高祖太

武氏之禍。古所未有也。東之等第知反正廢主。而不能以大義處。非常之變。爲唐室討罪人也。武后以太宗才人。蠱惑嗣帝。一罪也。戕殺王母。二罪也。黜中宗而奪之。三罪也。殺君之子三人。四罪也。自立爲帝。五罪也。廢唐宗廟。六罪也。誅鋤宗室。七罪也。穢德彰聞。八罪也。專用酷吏。毒痛四海。九罪也。兵旣入宮。當先奉天子復位。卽以武氏至唐太廟。數其九罪。稱高祖太宗之命。廢爲庶人。而賜之死。以滅其宗。中宗不得。

宗之命廢
之名正而
言順

爲人匿
不可以不
聖春秋此
時也

與焉然後足以慰在天之靈雪臣民之憤而天地之
常經立矣昔者文姜預殺魯桓哀姜預殺二君聖人
例以孫書若其去而不反以深絕之所以著恩輕而
義重也武氏負九大罪自絕於唐東之等乃膠常守
固不能討治使得從容傳位又受顯冊竊尊稱以是
見爲大臣斷大事而無學其不能善始善終決矣夫
惟如是故不旋踵羣后肆行無所忌憚意可以爲常
事也

桀紂獨夫也故湯武得而放伐之武氏之惡浮於

桀紂而猶宴然稱國母乎唐之臣子不能援引古
義明正典刑遺憾多矣噫愚又因是而有感焉男
氏之有宋溫猶女氏之有武墨唐莊宗滅梁欲發
溫墓剖棺焚尸豈非千古快事奈何竟惑於張全
義奸佞之言而止此皆世衰道微聖學不明之故
也

方正學曰東之爲唐臣子抱不共戴天之讐正當
發機按兵以討賊后於朝此胡公之意也雖奉迎
乘輿有先後而其爲中宗避嫌則一而已矣至瓊

山丘公又有進於是者其言曰以義而論毋雖
旆祖以恩而論子終無絕母之理也當時遷之
宮復其后號使不得竊皇帝尊稱云爾愚謂方胡
二公之言卽春秋書夫人孫於齊及書夫人姜氏
孫於邾之意義重於恩絕之也丘公之言卽春秋
書薨我小君文姜及書哀姜薨於夷齊人以歸之
意思重於義譏之也立言不同實則各成其是東
之等不學無術那裏看到此那裏做到此

捨身論

尹起莘

梁武
謂之梁武
被亦不能
解

甚哉梁武之愚也。人生天地間。有此生。則有此身。生
不可滅。則身不可捨。抑不知梁武之所謂捨者。以何
爲捨。爾若以屏富貴。棄妻子。爲捨耶。則是身捨物而
非曰捨身也。若以委其身於佛氏。爲捨耶。則爲佛者
當取其身而用之可也。今旣曰捨。而其身猶在。則是
初未嘗捨也。身未嘗捨。而強名曰捨。則固已昧其心
於不誠矣。他時諸臣又以金而贖其身。不知當其捨
之之時。孰從而受之。而贖之之時。又孰從而歸之也。

實不
實

其文正公集卷之四

三

梁主身才具僅而可捨可贖。此不惟愚誑其民。愚誑其身。抑且愚誑其所謂佛矣。末年荷荷之時。又復戀戀而不能捨。何哉。孟子有言。捨魚而取熊掌。捨生而取義。夫魚熊掌二物也。固可捨其一而取其一。若捨生取義。則必殺身徇義而後可。萬一其生猶在。則亦不謂之捨矣。綱目於梁主捨身之事。屢書於冊。若無貶詞。然以一國之君而欲捨其身。則宗廟社稷之重。土地人民之託。誰實尸之。况又實未嘗捨乎其貶之意。明矣。梁武溺佛之禍。先儒論之甚詳。臣姑因綱

目所書而取其捨身之一說。極論其所以妄云。

陳眉公曰同泰之身可捨也。臺城之身亦可捨耶。捨於釋迦可贖也。捨於侯景亦可贖耶。且也臺城之一身安能以贖壽陽之數十萬夫。旣不能贖數十萬之身於魏境。又安能贖一身於臺城哉。意調大與尹公同。

孟子曰守身爲大。曾子曰身也者父母之遺體也。行父母之遺體敢不敬乎。吾儒曰守曰敬而佛氏曰捨彼固不以爲參三才靈萬物之身而以爲塊。

然血肉之身也認此身不真則其所謂捨者亦安
能一刀兩斷脫然無復繫累哉後世不以梁武爲
戒而沙門之子反侈談而樂道之獨何與

逆邵弑君論

卷之四

嘆者不忍
見聞之意
正好將順
他改讀禮
恐禮亦有
難讀處

昔唐太子弘受春秋。至楚世子商臣之事。廢書而嘆。其宮僚郭瑜請改讀禮。先正胡公安國傳春秋至此。目之爲腐儒。以爲若語之曰爲人君父而不通春秋之義者。必蒙首惡之名。爲人臣子而不通春秋之義者。必陷篡弑誅死之罪。聖人書此。使天下後世察於人倫。知所以爲君臣父子之道。而免於首惡之名。誅死之罪也。則弘而聞此。必慄音聳然畏懼。知春秋之不可不學。而明於臣子之義。不至於奏請弗肯而見。

祖春秋端
本清源之
言而爲言

酖沈音矣。先正傳春秋之義如此。今綱目取法春秋。故於弑逆之事。亦必直書於冊。若使講讀之際。避諱不言。則前有讒而不見。後有賊而不知。是自淪於隔阂者也。而可乎。夫春秋以傳爲案。綱目以分注爲案。考於分注之所載。可以見其所繇致之漸。姑以宋劭之事觀之。善惡必原所始。而逆劭則生於諒闇。形色可以占終。而袁后則預言其惡。侍膳問安。職所當謹。而東宮置兵。乃與羽林等。人臣無將。將則必誅。而巫蠱事覺。乃赦不問。當斷不斷。反受其亂。而旣謀廢立。乃

春秋所以
明微顯
黜畧

猶豫不決。謀及婦人。宜其死也。而事機不密。乃泄於
潘妃。不惟是也。宇縣分裂。已非一日。宋文乃無故佳
兵。窮黷不已。使南北之民。肝腦塗地。不善之積。亦不
可掩。固宜其末流之禍如此。綱目書之。與商臣之事。
如出一轍。蓋欲使後世推本所繇。而致謹於首惡之
義。以爲人君父者之戒爾。若夫弑父與君之賊。其惡
固自不待貶絕而後見也。又奚以贅及爲哉。吁。

綱目一字一句莫不取法春秋發明一字一句莫
不取法胡傳讀此文可見

史稱武后潘戱蕭淑妃之女二人幽於掖庭年踰三十太子弘見之驚惻奏請出降天后大怒酖死嗟乎以手足之誼無故幽閉愆期未歸有人心者於此能憇然乎况父母有過下氣怡聲以諫禮也詎意其置之死地也哉如弘者謂之不幸則可謂之昧於春秋之義恐過矣若夫商臣之事推原禍本以爲爲人君父者之戒則確論也

宋元凶之逆袁淑捐軀綱目書官書及與春秋孔父仇牧同科忠矣惜其未達於濟變之道也方劭

謀既成召袁淑而告之故淑既凜之以天地擬之以病狂豈復有生還之望乎幸劬黨引淑使出是小人踈於謀而天假之隙也爲淑計者力能叩關陳情發兵掩捕聲色不動罪人斯得策之上也不則擊登聞鼓號闕痛哭直發大逆俾宮中聞變立召羽林虎賁圍東宮索渠魁彼勢若窮將斬逆劬之首以贖罪縱使仗宮甲之勢率群不逞之徒蹀血禁庭然太子同惡不過二十人此外屈逼斷不爲用逆順之形既判衆寡之勢不敵誅亂討賊易

如反掌觀其假稱中旨借口內變蜂擁突入宿衛
卜天與不暇披甲尚能執弓注矢射邵幾中則當
日之時勢可知已計不出此而乃歸省繞床行至
四更何爲也哉君父生死在指顧間此何等事徒
爾步不留行臥不安枕而不知所以轉禍爲福之
道遂使變起蕭牆取笑千載有殉難之節無濟變
之才尚論者何能無遺憾於斯際也

徙水論

熊禾

問斷倒

本原道而
竊擬之

或問商鞅徙木立信果可以爲信乎曰此小人狙詐之術非信也然則溫公稱其信以畜民荆公贊其令之必行非歟曰溫公不識王霸故有此等議論若荆公者方以其術禍天下無怪乎喜而贊之也何以言之曰昔者聖人之治也民饑也而教之稼穡民寒也而教之桑麻穴居野處也而教之宮室汗樽杯飲也而教之器用父子夫婦也而教之有親有別君臣朋友也而教之有義有信疾病也而教之醫藥死亡也

而教之喪葬爲善也。而爲之賞以勸之爲惡也。而爲之刑以懲之。是皆因其自然之理。當行之路。而立教養之法爾。一政之出。堅如金石。一令之施。確如四時。聖人之所以信於民者。蓋如此。豈有一毫私意於其間哉。商鞅以刻薄狙詐之資。欲售其富彊吞併之術。恐民驚駭而不之信。非議而不之從。於是特假徙木之小事。而立五十金之重賞。行不測之賞。誘之於先。用不測之刑。驅之於後。於是驅之力本。則務農矣。驅之戰鬪。則死敵矣。驅弑父弑君。而皆不敢違矣。厥後

君子之治
國也純用
補中益氣
而隨症加
減焉故效
不期速而
奏育年必
延之功

扶蘇聞詔賜死不敢自白。趙高指鹿爲馬。廷無間言。皆徒木之所致也。嗚呼。小人之術。正如毒藥攻病。非無一時捷效。而其潰腸刻骨之禍。蓋有不旋踵者。歟。不足道也。而溫公議論如此。吾以是知功利之移人甚矣。

溫公所言徒據事爲之迹。而不能究極心術之微。故未免見小利而忘大害。得勿軒此論。然後知王者奉三無私。以勞天下。如砥如矢。非術數所得參也。不然。棄先王良法美政。而以私意行之。幾何不

其一二三

爲學術治術之累哉

一ノ

開具見
窮理之學

穎考叔論

呂祖謙

理之在天下。猶元氣之在萬物也。一氣之春播於品
物。根莖枝葉。華色芬臭。雖有萬不同。然曷嘗有二氣
哉。理在天下。遇親則爲孝。遇君則爲忠。遇兄弟則爲
友。遇朋友則爲文。遇宗廟則爲敬。遇軍旅則爲肅。隨
一事而得一名。名雖千萬。而理未嘗不一也。氣無二
氣。理無二理。然物得氣之偏。故其理亦偏。人得氣之
全。故其理亦全。物得其偏。非物之罪也。氣之偏也。至
於人則全受天地之氣。全得天地之理。今守一理而

不能推。豈非人之罪哉。頴考叔以孝聞於鄭。一言而
回莊公念母之心。固可嘉矣。使能推而極之。則塞乎
天地。橫乎四海。凡天下之理。未有出於孝之外者。柰
何伐許之役。反爭一車而殺其身。惜哉。其與莊公問
荅之際。溫良樂易。何其和也。其與子都鬪爭之際。忿
戾攘奪。何其暴也。一人之身。前後如此。當賜食之時。
則思其親。至受兵之際。獨不思其親乎。當舍肉之時。
則思其親。至挾輔之際。獨不思其親乎。前則思之。後
則忘之。是見親於羹。而不見親於車也。苟考叔推事。

是登孝矣
之當問其
所從者誰
氏之戎也
若師出無
名殺身何

親之敬爲宗廟之敬必不敢爭車於大宮矣推事親
之肅爲軍旅之肅必不敢挾輈於大達矣惟其不能
推故始得純孝之名而終不免鬪狠危父母之戒也
或曰考叔之伐許輕身以登先豈亦不能推其孝乎
曰爭車者私也不孝也先登者公也孝也愛其身者
事親之孝忘其身者事君之忠忠孝豈有二道乎曾
子以戰陳無勇爲非孝則考叔之勇正曾子之所謂
孝也然不死於先登之傷而死於子都之射死於私
不死於公此吾所以深惜其不能推也昔左氏嘗舉

肉而不能舍車則其孝有時而匱矣。能化莊公而不能化子都則其類有時而不能錫矣。考叔三復是詩能無愧乎。

莊公以殺弟爲志而好名之心未盡泯其迎母而求免於不孝之名固也。觀射王中肩事亦自可見。考叔念母之言會逢其適耳豈真足以感動莊公哉。况信近於義言乃可復黃泉之誓義耶不義耶必掘地而見之隧道也。左氏以純孝許之過矣。何

怪乎疆場之間頓露本色也此文亦未及此而說理鑿鑿則直窺闢奧矣

東萊呂公南軒張公與朱子同心一德夾輔斯文非若子靜之操戈也惜其文集未之見一於性理中得重農一首一於禮議中得頴考叔一首所得無幾亦足以見大儒作手也

其ノ江ノ糸ノ名ニ匹

豫讓論

方孝儒

願爲良臣
不願爲忠
臣

春秋責備

士君子立身事主。旣名知己。則當竭盡智謀。忠士善
道。銷患於未形。保治於未然。身全而主安。生爲名臣。
死爲上鬼。垂光百世。照耀簡策。斯爲美也。苟遇知己。
不能扶危於未亂之先。而乃捐軀殞命於旣敗之後。
鈞名沽譽。眩世駭俗。繇君子觀之。皆所不取也。蓋嘗
因而論之。豫讓臣事智伯。及趙襄子殺智伯。讓爲之
報讐。聲名烈烈。雖愚夫愚婦。莫不知其爲忠臣義士
也。嗚呼。讓之死。固忠矣。惜乎。處死之道。有未忠者存。

之意

子亦非
道事君

焉。何也。觀其添身吞炭。謂其友曰。凡吾所爲者。極難。將以愧天下後世之爲人臣而懷二心者也。謂非忠可乎。及觀斬劓三曜。襄子責以不死於中行氏。而獨死於智伯。讓應之曰。中行氏以衆人待我。我故以衆人報之。智伯以國士待我。我故以國士報之。卽此而論。讓有餘愧矣。段規之事韓康。任章之事魏獻。未聞以國士待之也。而規也。章也。力勸其主從智伯之請。與之地以驕其志。而速其亡也。絺庇之事智伯。亦未嘗以國士待之也。而庇能察韓魏之情以諫。智伯雖

國主之心
國主之口
以此圖報
智伯或當
一悟

不用其言以至滅而庇之智謀忠告已無愧於心也
讓既自謂智伯待以國士矣國士濟國之事也當伯
請地無厭之日縱欲荒棄之時爲讓者正宜陳力就
列諄諄然而告之曰諸侯大夫各守分地無相侵奪
古之制也今無故而取地於人人不與而吾之忿心
必生與之則吾之驕心以起忿必爭爭必敗驕必傲
傲必亡諄切懇告諫不從再諫之再諫不從三諫之
三諫不從移其伏劍之死死於是日伯雖冥頑不靈
感其志誠庶幾復悟和韓魏釋趙圍保全智宗守其

祭祀若然則讓雖死猶生也。豈不勝於斬劒而死乎。讓於此時。曾無一語。開悟主心。視伯之死亡。猶越人視秦人之肥瘠也。袖手旁觀。坐待成敗。國士之報。曾若是乎。智伯既死。而乃不勝血氣之倖倖。甘自附於刺客之流。何足道哉。雖然以國士而論。豫讓固不足以當矣。彼朝爲讐敵。暮爲君臣。睚然而自得者。又讓之罪人也。噫。

先生爲豫子謀則善矣。其所以自爲謀得無有未善耶。苟遇知己不能救亂於未危之前。而乃捐軀。

願命於既敗之後此三言者恐亦先生考語也雖然魚水交歡在建文不失爲賢君在先生不失爲智士天定勝人則亦莫可誰何也已矣先生豈養言者哉

其子新

下

予嘗之事
亦不得援
湯武伊霍
爲例然其
一段至情
固已孤行
兩間矣

父子之親。君臣之義。一也。不幸而處其變。則如之何。
曰。君臣之合。以人。父子之合。以天。以人合者。可絕。而
以天合者。不可絕。故舜禹不敢以非禮加諸瞽瞍伯
鯀。而上有桀紂之君。則下有湯武之臣。不謂之篡奪。
而謂之弔民伐罪。上有太甲昌邑之君。則下有伊霍
之臣。不謂之跋扈。而謂之廢昏立明。書曰。撫我則后。
虐我則仇。禮曰。人臣之禮。不顯諫。三諫不聽。則逃之。
子之於親也。三諫而不聽。則號泣而隨之。此可見以

倡蘇禹以
形伍負父
子與千古
斷案移易
不得

人合者可絕而以天合者不可絕故也。然又當權其
中使親義不至於偏廢。若曰以有過之父而見誅於
有道之君則不敢以親賊義。蘇廢而禹與是也。以無
過之父而見殺於無道之君則不敢以義掩親。伍奢
見殺而子員復讐是也。處變之定理蓋不易此而蘇
轍乃譏負逆天傷義。是豈復有人心者哉。且平王之
為君也。堯舜之君乎。抑桀紂之君乎。太甲昌邑之君
乎。此不待辯而明矣。彼平王殺其子妻其婦。獎奸回。
戮忠良。有臣如湯武者。弔民伐罪可也。如伊霍者。廢

蘇氏父子

素之窮理

之功如子

繇此等議

論皆知其

一未知其

二也楊子

雲亦然

王與伍述

其而思同

昏立明可也。顧負上不能爲湯武，下不能爲伊霍，則以吳之師破楚入郢，而鞭其墓，以發至憤其志，亦可悲矣。爲轍者，但知夫平王前日爲負之君，而不知今日爲負之讐。豈惟不知父子之親，亦不知君臣之義矣。夫君者天下之義主也。君而至於使人讐之，則孟子之所謂獨夫耳。禮曰：父母之讐，弗共戴天。然則負之所鞭者，非平王乃獨夫也。而謂逆天傷義，是無父之人也。昔王哀以父死非命，終身未嘗西向而坐，示不臣於晉。朱子取而載諸小學之書，以實父子之倫。

如此則與
赤松之遊
同一明善

其。之。上。卷。之。四。
則。負。固。朱。子。所。不。棄。者。然。子。獨。悲。夫。負。之。所。處。无。有。可。
憾。者。焉。昔。張。良。以。五。世。相。韓。憤。秦。之。滅。其。宗。也。則。佐。
漢。高。帝。誅。秦。而。立。韓。公。子。成。及。項。羽。殺。成。則。又。佐。高。
帝。襲。殺。羽。於。固。陵。讐。復。耻。雪。則。遂。謝。病。辟。穀。託。從。赤。
松。子。遊。以。明。其。心。之。爲。韓。也。使。員。當。入。郢。之。後。投。戈。
解。甲。翩。然。辭。吳。之。爵。祿。而。退。處。於。深。山。長。谷。之。中。以。
示。其。所。遭。之。不。幸。豈。不。可。以。盡。全。歸。之。孝。哉。惜。乎。志。
不。及。此。而。反。以。讒。見。禍。於。他。人。之。手。也。

李卓吾曰。便負申包胥絕孝純忠驚天震地此中

若妾有褒彈是誠滅却一隻眼矣豈可豈可沈勿
宰曰父受誅子復讐禮也生則斬首死則鞭尸發
其至痛無所擇也唐盧元甫有胥山銘序畧云伍
公絕楚出疆在平爲未宦臣在奢爲旣壯子坎壈
仗節乞師於吳五戰入郢先正有言撫則后虐則
讐成湯用爲大義孔子立爲大經子胥修爲大讐
騷人賦爲大怨二論豁達奇徹宜與篁燉文併傳
○按胡傳梁人有繼母殺其父者而其子殺之有
司欲當以大逆孔季彥曰文姜與弑魯桓春秋去

其姜氏傳謂絕不爲親禮也夫絕不爲親卽凡人
耳方諸古義宜以非司寇而擅殺當之不得以通
論也人以爲允繇此觀之文姜絕不爲親則楚平
絕不爲君可知梁人殺繼母以償其父之讐不得
以通論伍員鞭暴君以償其父之讐不得以逆論
可知通於春秋然後能權天下之事程公其庶矣

張良論

揚時

自綱目作
而後子房
之志暴白
古今

真有深意

子房之志爲韓報讐而已。其事高祖非本心也。蓋自
博浪之謀不遂。其心固未嘗一日而忘秦也。以爲奮
匹夫之勇。以僥倖於一日。不若陰求天下之豪傑。而
徐圖之。及得沛公。而知其足以濟吾事也。於是委身
從之。教以滅秦之計。及事之濟。則去漢歸韓。而但教
以燒絕棧道。至於定三秦。討項氏之策。則無一言及
之。豈其智之不及哉。其心固將輔韓成。以馳騁於中
原。而不欲漢王之東也。及成爲項羽所殺。則韓之子

悉祚漢

孫無若成之賢者。而子房之志。無所復伸矣。然羽之讐。不可以不報。而欲報羽。則非漢又不足以資成功也。於是不得已。復西。以再致吾復讐之志。使漢事得成。而吾責亦塞。然後自託於神仙之說。以遂其不欲仕漢之本心焉。此子房之智謀節義。所以遠過於人。而自漢至今。千有餘年。未有能窺之者。惟子程子蓋嘗言之。又以爲子房進退從容。有儒者之風。非高祖之能用子房。實子房能用高祖。其可謂知子房矣。抑高祖之任子房。蓋亦不足以盡子房之術云。

以夷齊之心爲太公之舉故進退綽綽非後世功
名之士所可望其萬一也博浪之謀棧道之絕赤
松之遊同一肺肝

局調簡易氣象和藹大有程氏風味

其ノ上ノ糸ノ分ノ目

二ノ

田橫論

王守仁

此為義精
仁熟者道

死為難處
死為難故
須臾審

知死之為義。而不權衡乎義。勇有餘而智不足者也。
天下未嘗有不可處之事。吾心未嘗有不可權之理。
死生利害。櫻於吾前。吾惟權之於義。則從違可否。自
有一定之則。生亦不為害仁。死亦不為傷勇。古人沉
晦以免禍。殺身以成仁。其顧瞻籌度之頃。見之亦審
矣。而後為之。不然奚苟焉。於一日之便。而取公論不
避委之譏乎。吾觀田橫之不肯事漢。致五百人之皆
死。固嘗憫其事之有可矜。亦嘗惜其身之有未善也。

先錄所長
而後可以
摘其短

不絕恐非
計

天下之利害莫大於死生。驅之生則樂而前，驅之死則怖而後。此人之情也。世有不重其死而輕其生者，豈其情之獨異於人乎？此其中必有大過人者。田橫之士皆死義，其何能爲人之所不肯爲？而一時烈士夫之多哉。雖然，橫之死則勇而知則淺矣。吾爲橫計，雖不死可也。死於漢爭衡之日可也。爲夷齊王燭之死可也。而橫也，盍亦權衡於心乎？不死於可爲之時，而死於不可爲之時，不死於得已之地，而死於不得已之地。方鄴生之說下齊也，在有志者必不聽。橫既

不聽是頭
一著

如此則名
正言順不
愧堂堂正
正之旗

是其言而從之。其心已甘爲漢屈矣。及歷下之敗。乃
心歸彭越。越之德孰與漢王。其勢位孰與漢王。橫以
勢不能爲。尚含耻而歸之。又豈有雄於漢之心乎。旣
無雄於漢之心。卽挈郡於關中。稱藩於漢闕。漢必有
以遇之。橫於此可以不死。橫必以死爲安。當漢與齊
之結平盟。二國爲兄弟也。而漢又襲之。是負信義於
天下矣。齊之力旣無如之何。獨不可執信義之詞。與
之較曲直乎。其曲在漢。其直在齊。橫於是而命一介
之士。達咫尺之書。以申其盟。以彰漢之罪於天下。此

不來是求

一着

三策皆善
張無得

正仗義敢事之秋。橫於斯可以死也。及項羽既屠橫。慮有腐肉之慘。乃率其徒屬居海島。是時漢雖招之。而我顧拒之。漢亦未必有加兵之舉。橫於是。可以得已也。柰何一聞其召。卽不遠千里而來。是其來也。意不在王。則在於侯。不在於侯。則在於脫斧鉞之危耳。不然。將何爲哉。使橫而信有不臣之節。則終身而已矣。何覬覦乎。王侯之業。而不爲夷齊之逃。使橫而信有輕生之心。則守正以俟死而已矣。何寒心於白刃之鋒。而不爲王燭之勇。使橫而信以漢王之心。必不

失着自已
於鄴乎
何尤

我免當漢使之臨。卽自處以不韙可也。又何乘傳至洛陽而后決哉。是時不可死。而橫則死之時可以死。而橫則不死。事不可已。而橫故已之事可以已。而橫則不已。智者固如是乎。吾知橫之死。不在於今而已。兆於歷下之敗矣。大抵事不可近慮。以近慮而慮之。未有不覆其事者。當齊與漢之角峙。嚴以自衛。猶惧失之。夫何鄴生一言之後。卽肆爲酣暢之樂。而徹其紀律之備。此正以近慮慮之者。然則韓信之襲破。乃橫之所以自處。而非鄴生之罪矣。何至怒烹之邪。不

五百人惟
橫是從豈

能智出其

上

酈生以遊

說殺身悲

朱若五百

知酈生可宥。而漢不可忘。使以怒酈生者怒漢。則漢
將懾於齊而未敢動。未可知也。當是時。橫之謀固踈
矣。五百人豈皆不在邪。何無一人之慮及於此也。一
人言之。五百人皆是之。則橫亦未必無是心也。五百
人不言。而橫又甘受其挫。此橫之事一去。而五百人
所以不免也。在五百人則失於不言。在橫則失於不
知矣。故田橫之不肯事漢。孰若直拒於酈生一言之
餘。詣首洛陽。孰若守身於海島之外。與其五百人皆
殺。而無補於齊。又何如酈生之一烹。而有功於漢乎。

此亦本坡
公范增論

結法

然則其死也皆失於前而困於後徒知慕義而不知
義之輕重者也。吾於橫何惜哉。雖然一人不屈而五
百人相率以蹈之。橫益深有以感之也。吾於橫乎有
取。

一人不屈而五百人無一求活者亦古今奇觀也
但時有緩急義有重輕昧其義以赴時與匹夫之
勇何以異白刃可蹈而中庸不可能於此見之然
則士君子之蹈變者正貴乎識時達義非徒以輕
生爲也

以衡之不死爲失於前是也以衡之死爲失於後
恐未然漢高於諸功臣且俾家無噍類而何有於
衡哉衡在漢庭亦一人物欲其偃然以功名終難
矣

劉備見諸葛亮於隆中論

尹起莘

管樂自許

謙也

照烈不三

顧自當別

有著見何

室與草木

腐

自三代衰。王政廢。士之隨世就功名者多矣。當漢之末。羣雄雲擾。凡一智一能之士。莫不乘時奮發。斷以自見。孰謂一世。人龍如孔明者。方且高臥隆中。抱膝長吟。略無意於當世。而又以管樂自許者哉。向使昭烈不垂三顧之勤。則將槁死巖穴。與草木俱腐耳。及其一起。則功名事業。彪炳顯著。不可得而泯沒。亮豈大言無當者。彼其擇理甚精。而處已甚明。謂枉已不可以直人也。故不苟合以求售。謂托身不可以非所

平生心事
一兩言道
破

也。故不肯苟仕於僭竊時乎未遇。則高蹈丘園。道苟可行。則奮志事業。君臣既合。魚水相懽。則聲大義於天下。使與衰繼絕。翊扶正統之志。昭如日星。然後篡竊之徒。其罪始暴白而不可掩。是豈區區一智一能之士。隨世就功名者。可同日語哉。書劉備見諸葛亮於隆中。其與聘莘野。訪渭濱者。越千載如出一轍。嗚呼。三代而下。孰謂出處之正。有如孔明者哉。不有君子表而出之。則孔明亦後世人物耳。噫。

綱目特筆二。一曰沛公得張良以爲廐將見良之

志不在漢而漢得之蓋天授也一曰劉脩見諸葛
亮於隆中見三代之後猶有不召之臣而巖穴布
衣之士堪爲吐氣矣

其ノ上ノ糸

糸ノ下

以魏徵王珪爲諫議大夫論

尹起莘

太宗之德。以從諫爲首稱。今觀其聽政之初。卽擢王
魏爲諫臣。綱目亦首書於冊。則其盛德固已具見於
此。宜其有治致太平之功也。雖然太宗從諫之美。固
可嘉矣。王魏事讐之失。亦可聞乎。今觀先儒辨論太
子藩王之分。深責王魏不能死於其難。其說亦旣明
白。又何復議之有。然嘗反覆思之。切有疑焉。大臣之
事君。固當始終一節。若君臣之分未定。遽欲死於其
難。則亦君子之所不予。彼王珪爲太子中允。魏徵爲

反覆辨難
情理曉然

委質高祖
而食其祿

太子洗馬。是果誰之命耶。若出於太子之命。則太子其君也。若出於高祖之命。則高祖乃其君耳。奉高祖之命。而輔太子。則高祖其君也。太子其長也。萬一高祖或遷王魏於秦府。而爲秦府之屬。則將逆高祖之命。而必欲盡節於太子乎。抑亦順高祖之命。以其所以奉太子者。奉秦王乎。又不幸太子得罪於高祖。而高祖誅之。亦將必死於所事。而讐高祖乎。家無二主。國無二上。若以委質事君言之。則王魏委質事高祖者也。非事太子也。若以食人之祿言之。則王魏食高

太子死至
當之論

距段先得
我之同
然

祖之祿者也。非食太子之祿也。王魏委質事高祖。食高祖之祿。高祖使之佐太子。若太子失德。則王魏當受不能輔導之責。爲有負於高祖。若藩王交鬪。則固有高祖在焉。卽不幸諸王互相攻擊。其僚屬必欲各死於所事。此則大亂之道也。故夫爲王魏者。於建成未敗之前。知其不可輔。則當引身而去。於建成既敗之後。知其不義而死。則當席藁音稿聽命。自請其不能正救之罪。或高祖赦之。使事新君。則亦惟上所命可也。有如異時。太宗以張元素爲庶子。于志寧爲詹事。

恐亦不得
授此爲例

既而太子承乾罪廢。元素以不諫見黜。志寧以諫諍見褒。於時魏王泰亦與承乾爲敵。是二人者。亦將盡節所事。而讐魏王乎。抑將聽命其君。而惟太宗黜陟之從也。大抵東宮官屬。與諸王官屬。皆出於朝廷所擢。或今日爲此。明日爲彼。或身處朝列。兼職官僚。初無定選。與人臣事君不同。故夫太子臣子也。藩王亦臣子也。其僚屬亦臣子也。崇卑雖有不同。其爲臣子則一耳。任是職者。故當以一人爲主。不得以所事爲主。昔後周高祖謂其弟齊公憲。侍讀裴文舉曰。卿雖

伊川怨管

仲而責王

魏此又怨

王魏而責

管仲所見

適異

陪侍齊公不得遽同爲臣。欲死於所事。斯言得之矣。
或曰齊威子糾之事將如之何。曰非也。齊威子糾均
爲公子。亦旣出奔於外。齊襄旣歿。齊國無主。故齊威
子糾若敵國然。各君其君。各臣其臣。非若唐高祖在
上。制命出於一人者也。然則王魏非惟不能讐太宗。
亦不當讐太宗。其失在於不能請命高祖而已。綱目
於王魏之事。書之初無貶詞。而具載范公祖禹之言
於下。固將有待後人折衷之耳。使綱目果罪二子。反
君事讐。則當書曰。以故太子洗馬魏徵。中允王珪。爲

諫議大夫矣。斯事係臣子之大節。所當剴白。不得不詳而辨之。以告後之君子。

此論甚善。視程范諸儒之說較進一籌。余嘗有論。又有進於此者。竊以爲王魏二公惡得無罪。但其罪不在事太宗。而在事建成。何也。天下事惟義所在。堯舍其子丹朱而立舜。舜舍其子商均而立禹。不惟其親。惟其賢耳。建成不肖。是朱均之類也。太宗賢是舜禹之徒也。且均出竇太后當日化家爲國。豈高祖夢想所及乎。首建義旗。削平海內。尺土

一民皆太宗力也古之有天下者父傳諸子唐之
有天下也子奉諸父若以堯舜公天下之心言之
天下爲武德何若爲貞觀高祖倦於勤且當受終
稱太上使萬方早睹三代之治而况建成乎建成
之嗣位東宮也高祖未聞博謀群臣舉朝亦未有
力爭之者其昧社稷之計亦甚矣使王魏見及此
雖高祖有命當力辭之力辭之而不可則亦有二
策焉一則稱引太伯暨東海王疆曰天下重器也
欲勝其任而愉快談何容易秦王功德兼隆海內

歸心盡力請而去娛忘一方稱尊南面使彼當其
勞而我享其逸不亦善乎一則歌君陳咏棠棣曰
天下者秦王之天下也秦王不有而歸諸殿下其
恩豈獨兄弟乎况大難甫平百責攸萃今日之事
非秦王不可願同起臥共憂喜異日垂拱受成若
周武之任公旦宋襄之任子魚同氣相倚如左右
手太子之位安於磐石矣兩者皆不見聽則太子
不復可訓誨見幾而作不俟終日安能久辱東宮
乎昔漢二疏見太子懦弱請老歸休至今以爲美

談元蕭牆之禍近在旦夕尚復貪戀官爵昧於一行非太宗不念舊惡則兩公者豈有全理乎然兩公亦自有間史稱珪以不能輔導太子流雋音州則珪爲朝廷罪人與太子義絕矣非若徵之左右密謀也旣而內難作太位定改事新君則又吾君之子胡不可者惟是被召目卽以前日之溺職爲辭俟太宗請於高祖而再命之然后就列則始終無愧矣若徵勸太子早除秦王不幾病狂喪心矣乎彼以秦王爲何如人也哉六朝之季亂賊迭興

篡弑接踵生民塗炭於茲極矣天錫聖明撥亂此
湯武致治幾成康方以爲斯世斯民之大幸而乃
私其所事欲得而甘心焉夫保護朱均謀賊舜禹
四凶所不爲而徵顧爲之也何也且徵非獨不仁
於太宗也職司輔導無能熒和兄弟杜釁消萌是
上負高祖也建成中人可與爲善可與爲惡若諭
以天性不再背德不祥未必不見聽而乃首倡邪
謀彼復何所忌憚也哉斃人而適以自斃則建成
非太宗殺之徵殺之也是中負太子也太子之惡

元吉寔成之方謀亂未成已有取太子之心使徵
計得行唐不血食矣徵欲晏然立於其朝得乎其
爲謀又何拙也是自負也包藏禍心坐致臨湖之
變不能自慚無狀泥首請罪而猶強顏曰使先太
子早從徵言必無今日之禍亦可謂歸過遂非之
甚者矣與楊素大言倖免隋文之戮何以異聞道
家多陰謀豈徵嘗寄迹黃冠中故迷謬至此耶徵
之前後蓋兩截人耳繇前觀之則愚而忍繇後觀
之則忠而直功罪各不相掩可也王珪視之有間

其
矣在珪立朝事業不及徵而後之尚論者必曰王
魏不曰魏王亦或以此哉

曹參論

謝鐸

天下之治。惟其時。識其時。而酌其事。之當與否。斯善治天下矣。方秦氏之吞併諸侯也。阡陌井田。郡邑封建。坑焚學較。舉先王之法。而盡變之。當是時。天下之民。塗炭已極。繼其後者。又從而終擾之。幾何不爲垓下之項乎。參之相漢。有見於此。遂訪諸蓋公。求黃老之說。一以清淨。無爲爲治。彼以其猛。我以其寬。彼以其擾。我以其靜。一矯而反之。以苦於多事之民。一旦得見無事之治。是猶出烈熾之中。而沃以清冷之水。

野地放寬
爲搏擊張
本

轉題

故民安其治而歌之。所以轉二世之秦爲四百年之漢者。參亦不爲無功焉。參之治固可謂識時矣。然吾猶有惜於參者。蓋時雖厭於有爲而事之不可不爲者。君子不容以槩不爲也。參之意惟恐一事之爲未能益民而先已擾民。乃至一無所事。終其身惟蕭何之法是守。抑不知何之佐高帝也。倥偬於馬上之治。當時制度大抵襲秦之舊而已。先王良法美意之變於秦者。曾聞其能修什一於千百乎。況時至孝惠。秦灰已冷。楚坑已平。北雞之聲未聞。屠牛之鋒未挫。可

先王云酣

歌廢事時

謂巫風卿

士所以喪

其家者

以有爲之。日也。帝察參不事事。且使其子諫之。帝亦
非常主矣。使參能與帝有爲。三代之治。未必不可挽
而上也。奈何一意矯秦。遂至酣歌廢事。卒使漢家之
治。因循雜伯而已。於乎參。但知清淨之藥。足以調擾
亂之民。而不知王道之菽粟。所以養民生者。不可一
日無此。所以徒能瘳秦民之疾苦。而終不能復元氣
於三代之時之民。噫。漢之所以爲漢者。以此。漢之所
以止於漢者。亦以此。

解之。豈曰無所往。其來復吉。謂天下之難。旣解。則

修明先王之道其吉務也蕭曹以刀筆吏起家故
其相漢也當解之時而不爲鬲之治刀筆之外幾
曾更進一步耶所以然者兩公質美未學所賓禮
者非功利之徒則虛無之輩若兩生四皓當時之
高賢大良也不能卑辭厚幣羅而致之闕下相與
講求先王禮樂之隆何怪乎苟且以就功名而漢
治安於雜霸也哉不有文肅此論後世學者狙於
清淨寧一之歌且將倭蕭曹爲上治矣

李勣論

張 鷟

焚鬚事
朱子錄諸
小學不以
其人而棄
之

太宗以勣
爲社稷臣
猶光武之
於龐參也

甚矣人之難知也。世勣奮跡田間。乘時翊運。觀其事
故。主生不邀功。死爲殮骨。義矣。守黎陽被陷。然卒自
援歸忠賢。能明去就。立功名。以全而歿。孝矣。忘鬚療
姊。悌矣。爲單雄信。生不得而竟割肉以殉。信矣。他
如料敵當機。拓疆靖虜。又直其刺長耳。以唐太宗之
神武。猶然以才智艷稱之。曰英衛比肩。詎虛哉。而胡
至輔嗣皇。遂一淪其初也。通天之幸。在從謖立武
才人一事。迄今唐宗幾殄。如若敖毒流區寓者。且數

十年。誰寔階此。勸卽喙長三尺。無能自解矣。雖然。太宗亦與有責焉。夫疑人不用。用人不疑。世勸之周旋乎。鞭弭若干時矣。其底裏豈不盡知。苟可馮藉爲心膂。宜卽推誠任之。何至持兩端。旣明示以猜嫌。而復欲陰收其死力乎。亦必亡効矣。且彼誠智有餘。則柰何以術愚之。夫我隆恩於彼。卽爲嗣皇樹恩。我修怨於彼。卽爲嗣皇府怨。無故而削黜之。又未幾無故而超拜之。此曾不可以絀嬰兒。而謂世勸獨情然乎。上疑其下。則生忌。下疑其上。則生畏。忌斯有凜凜不可

測之刑誅。畏斯有兢兢。不必全之顧慮。則安得不乘間伺便。爲結交固寵謀邪。然則世勛之當先爲逢。皆太宗遺之也。乃世勛亦何利哉。能倖福於身。而卒稔惡於孫。彼方笑房杜。而不知後人之復笑彼也。世勛故從群賊起。固宜以賊終也哉。

張和仲曰。勛常謂人曰。我十二三爲無賴賊焉。知耄年尤大無賴哉。徐筆峒曰。壞房杜之門戶者。子孫也。非房杜也。族勛者。勛也。非子孫也。二論醒豁快人。

漢高顛倒豪傑昔人艷稱之以爲得計太宗之於
世勣蓋襲此術也而卒以基禍術之誣人甚矣哉
雖然勣之才不無可觀殺人無賴實其本色也當
武氏虐祿方張之日原其本情不過爲全軀命保
富貴計耳豈以先帝之未嘗推誠而改節易行哉
一言喪邦罪不容誅未幾而殲其宗毀其墓道宜
矣噫又有說焉敬業之禍雖以失職怨望然移檄
討武氏則其視房杜之子孫猶有愈焉者此天道
之不可問也楊素之子玄感亦然

李瑾論

李廷機

瑾對德宗
曰臣父非
不愛臣臣
非不愛其
父也顧臣
力竭不能
回也觀此
則瑾亦非

世之論李瑾音謹者曰密謀告君忠也父死與俱孝也懷忠全孝資志以歿千古悲之予謂其志可悲而處未當也夫懷光頓兵不進之時意雖怏怏而稱戈犯闕之謀尚未決也瑾揣知其意則當長跪進曰大人千里赴難解散重圍功在社稷便橋之詔或者非天子本心乎因此小憤遂棄大勲反順爲逆如天下萬世公論何逆泚弄兵天下忠義之士咸恨不得食其肉而大人所親見者苟此意果行誅泚之旗將移指

嘿嘿者但
恐不能如
此言之婉
曲。悲到寒
心。刺骨爲
定。以悚動
乃翁耳。

其。家。矣。兒。觀。唐。祚。神。堯。之。德。猶。在。人。心。天。命。未。去。長
安。宮。闕。未。可。窺。也。爲。今。日。計。莫。若。奉。詔。誓。師。協。心。李
晟。同。殲。朱。泚。事。定。功。成。歸。報。天。子。明。發。盧。杞。之。奸。爲
朝。廷。去。佞。則。福。祚。無。窮。功。名。不。朽。矣。瑾。如。以。此。言。進。
懷。光。未。必。遽。反。也。萬。一。不。聽。則。號。泣。隨。之。冀。其。一。悟。
又。不。聽。則。以。其。欲。死。於。旣。敗。之。後。者。死。於。此。時。懷。光
亦。未。必。不。隱。然。動。心。也。柰。何。不。知。此。義。坐。視。其。父。之
爲。逆。而。曾。無。一。言。幾。諫。之。誠。顧。輪。父。情。於。君。側。曰。不
忍。不。言。以。賣。已。忠。後。雖。甘。心。俱。死。亦。何。救。於。君。父。哉。

遂爲其
哭可嘆

嗟夫一死而可取名焉使君不得全其義父不得全其忠仁人孝子忍之乎否也昔令尹子南肆惡於楚楚王將討之以告其子棄疾曰令尹之不能爾所知也國將討焉爾其居乎棄疾對曰父戮子居君焉用之王遂殺子南於朝三日棄疾請尸既葬自縊而死春秋亦嘗非之故棄疾者李璀斷罪之明例也

李鄴侯曰瑾固賢者必與父俱死若其不死則亦無足貴此確論也致堂胡氏獨謂德宗有赦詔而懷光命之則可以不死噫豈其然乎賣父以偷生

果何面目視息人世也惟是死於謀逆之始則忠
孝兩全死於事敗之後則忠孝兩虧泰山鴻毛之
辨不可以不察也九我之言善矣

岳飛論

蔡清

權字是
一篇主腦

千秋遺恨

嗚呼岳公報國之志。所以終不酬者。果天耶。人邪。彼高宗秦檜無復論矣。愚獨恨公之未知權也。孝子之於親也。從治命。不從亂命。公向者親受高宗肺腑之囑。曰。中興之事。一以委卿。今乃無故。一日十二金牌召班師。非檜之爲而誰爲。檜爲之而高宗聽之。則亦亂命之類耳。將在軍。君命有所不受。正爲此也。苟利社稷。專之可矣。公素好左氏。獨不知斷以此義耶。況其時萬世之悲憤。旣積吾胸中。不世之機會。又在吾

宗留守天
死之節少
保人死之
夫人兩際

目前朝廷乃無故入奸臣之言。使我十年之功。廢於一旦。將不復以宗社爲意。父兄爲念。果何說也。吾爲國臣子。誓赤心報國者也。矧又成命在。又遮道慟哭者。聲震於埜。此亦天意也。不以此時。特出不得已之計。脫然於尋常法度之外。而有所敢爲。則終爲奸臣所制縛。而君父大事。自我去矣。又何言哉。夫權奸可畏。高宗之不足倚。吾亦知之矣。獨不見前日宗留守乎。人臣殺其身。有益於君。則爲之。况終其身以善其君乎。當日之事。愚以爲正當用權以濟。直馳表而南。

生死唯命
雖奸桎亦

極諫時之難得易失不敢自墜於奸臣之議以負陛下肺腑之托而延吾國家萬世之辱當日在朝諸臣未必無起而和之者胡爲乎竟以不得擅留一語自將哉夫殉君命之爲忠孰若爲吾君報萬世不共戴天之仇之爲忠也且高宗之所以忍與敵和而急名公者亦惟懼吾力之不足以克而反速來禍耳今吾自揆吾力必克無疑矣一舉而克之以還報吾君以爲何如也既克之日安集之餘人民府庫籍之於朝將士卒伍亦約束以俟朝命吾將蓬頭跣足直步至

國門上表自劾其違命進兵之罪。籍藁以待粉身碎骨。萬死甘之。吾赤心報國事畢矣。倘必吾全。則將乞骸骨歸田里。終身布衣蔬食。自處於除名不叙之數。自後有違命者。惟能盡忠如此律。若是亦足以存王法。而白此心於吾君與天下後世矣。蓋其輒行雖近類桓溫。而心亦則與溫有間。不害爲同行異情也。此乃所謂權也。夫權出於不得已者也。若果不得已。而又不用權。則雖聖人無以濟事。而聖人亦不心立權之說。以教天下後世矣。况公當日之事。猶可以一日。

漢宋其時矣

安者乎。易有之曰：大過之時大矣哉。大過，君子以獨立不惧，意大過之時，必有大過人之本，而後敢爲大過之事。不膠於尋常故輒焉。乃克有濟也。是故以天下與人，上世未有也。而堯始行之。君無道而伐之，上世未有也。而湯始行之。君覆典刑而放之，上世未有也。而伊尹始行之。萬世之下，不聞其以爲名教罪人者。况公當日而出此，其要歸於忠孝耳。且未有改立放弑事也。誰得而罪之。夫大丈夫建大事，苟無私意，其能爲尋常法度所制縛哉。青天白日，萬世一時所

子言萬語

是愛飛

之際而惡

檜之極觀

未數語

見讀之不

覺酸心泣

下

其文上卷先之四

責備乎英雄者正在此耳。今一解而歸。非惟前功盡棄。其身之不免。人固已豫知之矣。嗚呼。公何不爲趙氏九廟神主惜。此去就乎。此見可與權者之難也。嗚呼。使公當日雪耻之志既酬。而後爲檜所害。愚亦爲公甘之矣。

權者聖人之大用。堯舜湯武及伊尹其至矣。後世若霍子孟之廢昏立明。狄梁公之反周爲唐。王孝先之以計去丁。謂亦庶幾近之。當武穆之時。欲其專輒以行。抗不奉詔。奸臣沮之於內。強敵乘之於

外恐亦未必決勝王鳳洲嘗言之矣即使決勝而
心迹之間恐難以暴白於天下萬世如今人之誦
少保不容口但虛齋之言援引經史鑿鑿有據自
可以吐忠義之氣而寒亂賊之心天地間曷可少
此一段議論也若論人臣之義斷當以武穆爲正

其
上
糸
ノ
不
四

三
一

破體

荀彧論

唐順之

脉於分與
義而言忠
將誰欺

欺世盜名
心跡難掩

天下有公是之忠而矯之以自文者弗與焉夫忠者
臣職也。分等於乾坤。而義根於所性者也。若之何其
矯之。蓋希寵謀功者。無明分之守。怙權竊勢者。無章
義之真分。而失守則乖人。將以分而病之。義而弗章
則悖人。將以義而非之。病且非焉。而不吾釋好名者
之所弗願也。於是乎托近似以自名。而邀夫不情之
譽。使按迹遺心者。猶庶幾其直之也。此無他有所諱
於中者。必有所飾於外。而激於惡。其聲之所感。非心

三載奇逢
觀面錯過

恩則子房

才則孔明

惜其志在

功利故不

建觀耳

之誠然者也。君子察其衷，詳其世，則其飾僞也，適以招尤，而其誣人也，終以誣已。公好公惡之情，誰得而泯也。嗚呼！此荀彧之死，漢所以爲非其真也。史氏從而褒焉，寧無失其實矣乎？吾嘗觀彧之時矣。東京榛蕪乘輿，版蕩漢事已日非矣。所恃以維持名分者，一昭烈耳。昭烈，中山之胄，承獻帝之命，任廓清之權，倡義徐州，奸雄挫焉。彧以八龍之裔，奕世漢臣，恩不爲不厚矣。以匡時之畧，笑無遺策，才不爲不高矣。徘徊河冀之間，擗梓君而委質焉，志不爲不銳矣。恩惟其厚，

易曰外此
於賢以從
事也
龍也而不
能臥是以
失潛見之
宜
左傳荀息
曰臣竭其
股肱之力
加之以忠
貞其濟云
云

則感舊之衷。非昭烈不足以報。才惟其高。則經綸之
績。非昭烈不足以謀。志惟其銳。則外比於賢。非昭烈
不足以共事。故君子謂或於斯時。可以待隆中之顧。
可以効馳驅之勞。可以堅鞠躬盡瘁之節。其濟君之
靈也。不濟則以死繼之。始終爲漢。必如是。而後可自
靖矣。捨此不事。而顧於操屬心焉。何哉。操亂臣也。乘
草昧之隙。以稱兵。挾天子之令。以威衆。其搖逞之志。
天下知之久矣。或智者也。奚而不知也。知之而復事
之。或將利之也。或或以機數警敏。操有大畧焉。或若得

志不在漢
是病根

帝室之胄
英名蓋世
卽謂漢高
復生可也
奈何以操
視之

爲人臣子

而謀其後
世刑戮之

其文正公

人而爲之輔。意者天下可圖乎。克是心也。或志不在
漢矣。不然。何邂逅之始。而遽以爲子房哉。夫子房佐
高帝。以滅秦蹙項。漢基業焉。或甘以子房自居。則必
以高帝居操矣。操而高也。漢其可以久乎。噫。獻帝在
此。非操事也。是以子嬰處獻矣。是以項籍處獻矣。或
之。所以視漢者。何如。而謂其能死之乎。呂布之難。昭
烈以窮來歸。操有豫州之命焉。脩之資也。或弗之勸。
又語操以圖之。向微郭嘉之請。身且不保矣。或之所
以視漢者。何如。而謂其能死之邪。且曹劉不兩立。或

民

如鄒超之
於桓溫如
劉穆之之
於劉裕

之所知也。有漢則無曹。曹彊則漢弱矣。或存反正之
圖。固當杜堅冰之漸。方且運籌設策。爲龍幄之私人。
兖州之領。天子之迎。袁曹勝敗之論。以遂其邪志。而
成虎視之謀。使漢不久卒胥於隔焉。或之所以爲漢
防患者。何如。而謂其能死之邪。然則或之死。孰死之
與。說者曰。或以九錫死也。九錫殊禮也。操得而兼之。
篡奪之謀決矣。或以死諍。是爲漢惜名器者也。噫。非
然也。曹之彊也。獻將委命矣。雖不有九錫。其能無篡
乎。或與操處有年矣。操之逆謀。亦數矣。豈誠有匡朝

昌亦因其
明以通其
蔽

可與共危
難不可與
共安樂

寧國之兵忠貞退讓之節者乎。然則九錫固可惜而
丞相之自爲劍復以上殿贊謁而不名者。獨非漢之
名器乎。或不惜之於其漸。於是而始防焉。晚矣哉。且
或於曹公非有腹心之固。不過以智計相資耳。操之
大計垂成。則視夫同危共難之臣。將從而剪之。或之
才能固操之所忌也。是雖希意逢迎。猶慮其隙。矧九
錫之許。又有以沮其好大之心邪。勞軍之命。輒留之
怒。其意可知也。上不得君之忻。下不愜士大夫之議。
或之計至此窮矣。與其徒死而無名。孰若邀名於漢。

計用無聊
罪誦也

與事莽大
夫揚雄同
義

爲操人
死爲操鬼
耻與遼歌

代飲藥之舉。或有深情焉。其誦亦甚矣。夫守死非難。
善道爲難。或之死。將謂其成仁。邪則養寇長亂。於德
爲不祥。將謂其全忠。邪則覆國之奸。誰其教之。將謂
其以晚節益之。邪則積惡已彰。抑之愈顯。一時之憤
激。其可以庇終身邪。然則謂之死漢者。非死所也。晦
菴綱目書曰。侍中光祿大夫叅軍事。荀彧自殺。夫不
沒其官。明非漢所命也。不諱其名。明非漢所臣也。不
隱其自殺者。明非漢所致死也。命非以漢。則彧之爵
皆操爵也。臣非以漢。則彧之身皆操身也。死非以漢。

為伍得乎

不有綱目
特筆溫公
東坡之論
後世以為
名言矣

則或之殺皆操殺也。然則操不怒則或未必
之死。將以諱操也。非諱操也。將以諱其身也。或之罪
可勝誅邪。雖然。溫公有仁先管仲之許。東坡有道似
伯夷之稱。然則彼皆非與。嗟夫。是亦史氏之見耳。夫
伯夷不立於惡人之朝。或助惡者也。此而同之過矣。
管仲相桓以尊周室。或無漢者也。安在其能先之邪。
君子謂二公於是乎過與矣。不有綱目之筆。則稱忠
於萬世者皆此類也。而心迹之辯荒矣。故曰綱目繼
獲麟者也。

春秋誅亂臣討賊子尤嚴於其黨故雖一征伐一
盟會不少貸焉而况委身事之乎綱目繼獲麟
故於或之死書官書名以自殺爲文誅心之法嚴
矣此文反覆貶斥始終無一恕辭而中間發明書
法一段尤稱晦翁知已

上

卷八

三

董揚王韓優劣論

馮從吾

儒者立言。所以明道也。有得於道。雖淺言之。而常合。
無得於道。雖深言之。而常離。知此。而董揚王韓優劣。
辨矣。昔仲舒時。道術混殽。舒下帷發憤。潛心大業。其。
識已高。且進退容止。非禮不行。學士皆師尊之。自博。
士時已然。其行又何卓也。漢承秦後。仲尼之道。蔑如。
武帝襲文景業。一切制度。尚多闕略。舒對冊。推明孔。
氏。抑黜百家。立學校之官。郡舉茂才孝廉。皆自舒始。
發之。此其議論鑿鑿。可見諸行。真足羽翼道術。裨益。

撰無董子
孔氏表於
百家矣功
何可沒

妄自尊大
乃爾

反騷是夫

世教者文辭云乎哉。若書立言。雖平易。奇要之與。道合也。真西山謂西漢儒者。惟仲舒一人。余以爲知言。楊雄製作。允稱深奧。而行事似不副之。如太玄。果玄也。衆人不好。與玄何損。而汲汲於解嘲之作。比之天地。未已也。而又比之典謨。比之雅頌。未已也。而又比之蕭韶。夫雕虫之技。旣曰壯夫不爲。而又不勝其誇張得意之態。深於養者如是乎。屈原雖過於忠。而耿耿一念。誠可以愧世之爲人臣而懷二心者。何物子雲敢作反騷以駁之。原亦游離。丁董者等邪雄之

出處大節。君臣大義。豈待劇秦。美新而後。決白黑哉。
反騷一篇。可反觀矣。縱其言。高出蒼天。大含元氣。與
道術世教。何補。雄也不過詞人之雄耳。其於道尚可。
在離合間論哉。兩漢以降。歷魏晉六朝。而吾道益陵
夷。不可振。王仲淹起隋之末造。當衆口哢哢中。慨然
以著述爲已任。其立言指事。一稟於仲尼。故曰。通於
夫子。受罔極之恩。卽此一言。而通之人品學術可知
矣。桓文借名尊周。夫子然且予之。况通之於仲尼。何
後世耳食之夫。猥以吳楚獄通。不知於老莊輩。又執

通固不可
以雄律恐
視上書及
門者亦未
能遠過

其文上卷之二

何辭以聲罪致討乎。或又以太平十二策。嫺音通通出處。不知開呈孰與新莽。若以雄而律通。則與懲羹吹藁。循河異。况獻策不報。卽蹴然賦東征之歌。退而講道河汾。且屢徵不起。此其於出處間。豈不大有可觀哉。明道稱其極有格言。考亭稱其循規蹈矩。誠謂其與道合耳。通之後。越百餘年。而得韓愈氏。愈之文。天下宗之。而不知因文見道。蓋亦有足多者。唐以詩賦取士。故學者不得不取材於諸子百家。而孔孟之傳。不絕如綫。愈獨舉堯舜以來之統。歸之孔孟。此非有


佛敎
三教
生示

獨得之見者。能之乎。佛氏之教。浸淫人心。牢不可破。而愈上表陳言。雖蒙竄斥。而其志不墮。其有功於吾道何如。許繇。龍逢。伯夷。皆特立獨行之士。皆可以維綱常而扶宇宙。愈作通解。惓惓於三師之教。其有功於世教又何如。愈之爲文。豈顓顓刻畫於詞句間哉。第上書及門。其出處之際。尚有遺議。愈於吾道。益合者多。而離者少也。程子謂愈亦近世之豪傑。諒矣。噫。三子之爲文也。淺而於道也。合雄之爲文也。深而於道也。離此董揚王韓。優劣之辨也。然則三子。又孰優。

乎。曰余又有取於董子正誼不謀利明道不計功之說。

四子優劣晦翁有定案矣此論本晦翁而暢其說
煞有關係

廣川篤信聖人步步趨趨不失尺寸而規模少狹
其聖門之子夏乎河汾之教不減西河而儼然以
孔子自居其聖門之有若乎昌黎多學而識繇文
章見性道送窮一文何其不受命也其聖門之子
貢乎若湯太玄則無足比數矣



說

則下優分顯對有定表其此皆本歸行而無事
無有勝修

則用簡仁聖人求求也之入大尺寸而視其
此聖得之于夏乎河汾之教不秋而河而聖德以
孔子自居其聖門之有若乎昌黎後學而論地
章其性道者窮一文何武不覺論地其聖者之
自學若若其玄則氣是此數矣

